



საგარეო საეკლესიო ურთიერთობების დეპარტამენტი
მოსკოვის საპატრიარქო

მოსკოვისა და სრულიად რუსეთის პატრიარქ კირილეს სააღდგომო ეპისტოლე



მოსკოვისა და სრულიად რუსეთის პატრიარქ კირილეს

სააღდგომო ეპისტოლე

მღვდელთმთავრებს, მღვდლებს, დიაკვნებს, სამონაზვნო დასს

და რუსეთის მართლმადიდებელი ეკლესიის ყველა ერთგულ შვილს

უფლისმიერ საყვარელო ყოვლადსამღვდელონო მღვდელთმთავარნო,

ყოვლადპატიოსანო მღვდელნო და დიაკონნო, ღვთივსაყვარელნო ბერმონაზონნო,

ძვირფასო ძმანო და დანო!

თქვენ, მართლმადიდებელ ქრისტიანებს, მცხოვრებთ მსოფლიოს მრავალ ქვეყანაში, რომლებიც იმყოფებით ტაძრებში და ლოცულობთ სახლში, მოგმართავთ ამჟამად, რათა სულიერი სიხარულით აღვსილი გულით მოგილოცოთ წმინდა აღდგომის დიდი ღლესასწაული და, ძველი ტრადიციის თანახმად, გამარჯვებით შემოვძახო:

ქრისტე აღდგა!

ორი ათასწლეულის განმავლობაში სწორედ ამ სიტყვებით საზეიმოდ ახარებს წმინდა ეკლესია ადამიანებს ღვთისგან ბოძებული გამოსნის კეთილ უწყებას. მათშია ჩვენი რწმენის ცეცხლი, სიყვარულის ძალა, სასოების საფუძველი, ეკლესიის ქვაკუთხედი, სამყაროსადმი ახალი აღთქმის გზავნილის ცენტრი, განმანათლებლობის უცვლელი შუქი და შთაგონების წყარო, ქრისტიანული ცხოვრების გულისგული და მთელი ჩვენი მომავალი.

რაც არ უნდა მოხდეს ცვალებად, ხშირად მშფოთვარე და წინააღმდეგობრივ სამყაროში, რა სირთულეებიც და განსაცდელეებიც არ უნდა შეგვხვდეს, ჩვენ ვიცით, გვნამს და ვქადაგებთ: მაცხოვრის აღდგომის შესახებ საპასეო სიხარული რჩება უცვლელი და ყოვლისმძლეველი.

რა არის ამ ქრისტიანული ღლესასწაულის მთავარი აზრი? რატომ და რისთვის გარდამოხდა ძე ღვთისა დედამიწაზე, მიიღო მონის ხატი (ფილიპ. 2:7), დაითმინა ვნებები, ეცვა ჯვარს და აღდგა? და რა უნდა გავაკეთოთ ჩვენ, 21-ე საუკუნის ადამიანებმა, რომ ჭეშმარიტად გავხდეთ ქრისტეს მიერ სიკვდილზე მოპოვებული გამარჯვების თანაზიარნი და მემკვიდრენი?

ამ კითხვებზე პასუხებს ეკლესია გვაძლევს. იგი მოწმობს, რომ ყოვლადწმინდა ღვთისმშობლისგან ხორცშესხმულმა ძე ღვთისამ ჯოჯოხეთი წარმოსტყვენა, ადამ გამოიხსნა, წყევა დახსნა, ევა გაანთავისუფლა, სიკვდილი მოკლა, და ჩვენ განგვაცხოველა (აღდგომის მომხსენენი, ღვთისმშობლისა, ხმა 2). ჭეშმარიტად, უფალი განგვაცხოველებს ჩვენ თავისი სიყვარულით, გვაშორებს სიკვდილისა და ხრწნის შიშს, კურნავს ჩვენს სულიერ და ხორციელ უძლურებებს, გვეხმარება სიძნელეებსა და განსაცდელეებში, გვანუგეშებს მწუხარებებში, გვეხმარება მიყვებით მაცხოვრებელ გზას, რომელიც მარადიულ ცხოვრებაში შეგვიყვანს, როცა აღხოცავს ღმერთი ყოველგვარ ცრემლს ადამიანთა

თვალთაგან, და აღარ იქნება სიკუდილი; არცა გლოვა, არცა ლაღადება, არცა ტკივილი ღარ იქნება (გამოცხ. 21:4).

გამოსყიდვის ღვანლის აღსრულების შემდეგ, უფალმა, ჯვარზე გაღებული მსხვერპლით და დიდებული აღდგომით, ყველას გაუღო სამოთხის კარი. მას შემდეგ დღემდე, თითოეულ ადამიანს ეძლევა შესაძლებლობა, მთელი სულით აღიქვას ქრისტე ჭეშმარიტ ღმერთად და მხსნელად, რომელიც გვიგზავნის მადლმოსილ ძალას მართალი ცხოვრებისა და სამყაროს გარდაქმნაში აქტიური მონაწილეობისთვის.

წმინდა მღვდელთმთავარი ნიკოლოზ სერბი, გასული საუკუნის ცნობილი ღვთისმეტყველი, აღდგომაზე ფიქრით წერდა: „ქრისტე აღდგა, რაც ნიშნავს, რომ სიცოცხლე სიკვდილზე ძლიერია. ქრისტე აღდგა, რაც ნიშნავს, რომ სიკეთე ბოროტებაზე ძლიერია. ქრისტე აღდგა, რაც ნიშნავს, რომ ქრისტიანთა ყველა იმედი გამართლებულია. ქრისტე აღდგა, რაც ნიშნავს, რომ ცხოვრების ყველა სირთულე დაძლეულია“ („ფიქრები სიკეთესა და ბოროტებაზე“). და ეს აღდგომის სიხარული, ღმერთთან ზიარების სიხარული დადასტურებული განახლებული ცხოვრებით (რომ. 6:4) სიკეთისა და სამართლიანობის საფუძველზე, შთაგვაგონებს სიყვარულისა და მონყალობის საქმეებს, გვეხმარება უბედურებათა გამკლავებაში, გვანუგეშებს განსაცდელეებში, იმედს აძლევს სასონარკვეთილებაში მყოფთ, აძლიერებს სულმოკლეთ.

აღდგომის ბრწყინვალე დღესასწაულზე ჩვენი განსაკუთრებული ლოცვები ღვთისადმი მიმართულია ომის ზონაში მყოფი ადამიანებისთვის. ჩვენ, როგორც ქრისტიანებს, არ შეგვიძლია გულგრილნი დავრჩეთ ჩვენი და-ძმების უბედურებასა და გაჭირვებასთან მიმართებით, რომელთა გულებიც საშინაო კონფლიქტის ცეცხლით არის დამწვარი, ამიტომ ჩვენ აღვუვლენთ უფალს საგანგებო ვედრებას, რომ მან თავისი ნყალობითა და სიკეთით განკურნოს ხორციელი და, უფრო კი, სულიერი ჭრილობები, ანუგეშოს ყველა მწუხარე და მიანიჭოს ძმურ ხალხებს, რომლებიც დნებრის ერთი ნათლობის ემბაზიდან არიან გამოსულნი, მყარი და სამართლიანი მშვიდობა.

როგორც მაცხოვრის მინიერი გზა იყო სავსე შრომითა და ადამიანებისადმი მსხვერპლმწირობითი სიყვარულით, ასევე ჩვენც მონოდებულნი ვართ ვემსგავსოთ მას მოყვასისადმი მსახურებაში, რამეთუ ნებისმიერი, თუნდაც უმცირესი სათნოება, საკუთარი ეგოიზმის დაძლევა სხვა ადამიანის სასიკეთოდ, ღმერთთან – ცხოვრებისა და უკვდავების წყაროსთან – გვაახლოებს და, შესაბამისად, გვაბედნიერებს.

მკვდრეთით აღდგომილმა უფალმა, რომელიც საკუთარი უტყუარი აღთქმისაებრ თავის მიმდევრებთან მყოფობს ყოველთა დღეთა და ვიდრე აღსასრულდმდე სოფლისა (მთ. 28:20), დაე ღირს-გვყოს ჩვენ, ცოდვილნი და უძლურნი, მაგრამ სიმართლის მწყურვალნი და ხსნის მაძიებელნი, რომ მინიერი გზის დასასრულს დავიმკვიდროთ ნეტარი ცხოვრება ზეციურ სავანეებში, რომლებიც განმზადებულია დასაბამითგან სოფლისა (მთ. 25:34), წმინდანებთან ერთად და მის მარადიულ დიდებაში ვიმეფოთ (წმ. ამბროსი მედიოლანელი. საგალობელი ჰიმნი „შენ, უფალს, გადიდებთ“). სიყვარულის მომავალი სასუფეველის მოლოდინის ამ სიხარულის შესახებ, როდესაც ღმერთი

იქნება ყოვლად ყოველსა შინა (1 კორ. 15:28), ეკლესია ყოველთვის ქადაგებს, განსაკუთრებით, აღდგომის ბრწყინვალე დღეებში.

შევსმინოთ ეკლესიის მაცხოვრებელი ხმა, რომელიც პავლე მოციქულის პირით მოგვინოდებს, ვიდრესასწაულოთ პასეჟი არა ცომითა მით ძუელითა, არცა ცომითა მით სიბოროტისა და უკეთურებისაჲთა, არამედ უცომოებითა მით სიმართლისა და ჭეშმარიტებისაჲთა (1 კორ. 5:8). შევისმინოთ და ვეცადოთ ვიცხოვროთ ღვთაებრივი მცნებებით, სახარებისეული სიმართლითა და კეთილი საქმეებით, მთელი ჩვენი ცხოვრებით დავამონმოთ ახლობლებისა თუ შორებლების წინაშე, რომ ქრისტე ჭეშმარიტად აღდგა, და რომ მას ეკუთვნის ყოველი დიდება, პატივი და თაყვანისცემა უკუნითი უკუნისამდე. ამინ.

+ კირილე,

მოსკოვისა და სრულიად რუსეთის პატრიარქი

ქრისტეს აღდგომა

- 2023 წელი

•

წყარო: <https://mospat.ru/ge/news/90238/>